

Graad 3

YouTube Les 2 Afrikaans

Huistaal



Marlene van Der Berg

WWW.LEERAFRIKAANS123.CO.ZA

'n Griep epidemie

In Dr. Kroes Kriel se spreekkamer sit daar vier krieke in 'n ry. Hulle hoes en proes en voel sommer baie kroes. Suster Krul skryf hulle name in haar boek. Krimpie Kriek sien vir Dr. Kroes Kriel eerste. Krappie Kriek is tweede in die ry. Derde om geroep te word is Krisjan Kriek wat baie bleek lyk. Vierde is Mnr. Kramer, die krieke se musiek onderwyser.

Dr. Kroes Kriel sê dat almal griep het. Hy sê: "Suster Krul gaan haal gou-gou vir die vier krieke medisyne."

"As julle nie dadelik in die bed kom nie, sal julle almal aansteek met julle nare kieme." sê Dr. Kroes Kriel vir die vier krieke. Suster Krul is nou sommer baie haastig en in 'n japtrap stap die vier krieke uit by die deur met medisyne onder hulle arms.



Klein Klaas sit ook in die spreekkamer. Sy hondjie, Brakkie, is ook baie siek. Dr Kroes Kriel sê: "Klein Klaas, dit lyk vir my Brakkie het ook griep. Die beste raad is bedrus. Kyk dat hy elke vier ure sy medisyne drink dan sal hy sommer gou weer beter wees."

Die volgende dag toe Dr. Kroes Kriel en Suster Krul by die spreekkamer kom, is daar sommer 'n klomp diere voor sy spreekkamer se deur. Almal hoes en proes en lyk omtrent siek. Dr. Kroes Kriel skarrel rond om almal te help, later is hy skoon gedaan.

Suster Krul deel net medisyne uit en stuur almal huis toe om te gaan rus. “Dit is nou gedorie waar ‘n groot epidemie!” sê Dr. Kroes Kriel toe al die diere huis toe is.

(266 woorde)

Begripstoets.

Leerders beantwoord die vrae in hul werkboeke.

1. Op watter maniere kan ons mekaar aansteek as ons griep het?
(Skryf ten minste 2 maniere neer.)
2. Wat beteken dit as Dr. Kroes Kriel sê dat dit ‘n epidemie is?
3. Hoeveel krieke is baie siek van die griep?
4. Wat is die naam van die kriek wat eerste by Dr. Kroes Kriel ingegaan het?
5. Wat is die naam van die kriek wat vierde by die dokter ingegaan het?
6. Wie se hondjie is ook siek?
7. Wie het met Dr. Kroes Kriel ‘n onderhoud gevoer?
8. Wat het Klein Klaas by Dr. Kroes Kriel geleer?
9. Weet jy nou wat ‘n hipotese is?
10. Skryf nou jou eie hipotese in jou werkboek neer?

Kom ons skryf 'n brief.

Verbeel jou jy is Mnr. Kramer die krieke se musiek onderwyser. Skryf 'n brief aan Dr. Kroes Kriel om vir hom dankie te sê vir sy hulp toe jy siek was.

Skryf ten minste twee paragrawe.

Skryf die brief in jou werkboek.

Goeie _____ Dr. Kriel

Verlede week, _____

Baie dankie _____

Groete

Mnr. Kramer

(Kriekeskool)

